



Te Tuna Kōpiko

Te kaupapa: Te Ine i te Roa

Te whenu: Te Ine: Taumata 1–2

Hei whakamārama

He tauira ngohe tēnei, hei aromatawai i te mōhio o te ākonga ki te ine i te roa. Mā te āta mātakitaki me te āta whakarongo a te pouako ki te mahi a te ākonga, e mōhiotia ai te taumata o te ākonga, ngā wāhi e pakari ana, me ngā wāhi hei whakapakari ake.

I ētahi wā, mā te whakawhitihitī kōrero, mā te paku whakamārama rānei a te pouako, e kite ai te ākonga i te rautaki, i te huarahi rānei hei whakaoti i te ngohe.

E tika ana kia taunga te ākonga ki tēnei mea te whakaoti rapanga, te wetewete i ngā kōrero me ngā tohutohu, te āta whakaaro i te rautaki e hāngai ana, me te tūhonohono anō i ngā maramara mātauranga kei roto i tōna hinengaro. Koirā te īhua o tēnei ngohe aromatawai.

Me tuku kia mahia tēnei ngohe aromatawai i muri i ngā akoranga e hāngai ana ki te ine i te roa, kaua e tuku mātao noa iho.

Kei ēnei pukapuka ētahi kōrero hei īwhina i te pouako:

- Te Pukapuka Tuarua o Te Poutama Tau **Te Uīi Aromatawai**. Ko ngā kōrero whānui e pā ana ki te aromatawai pāngarau.
- **Whanaketanga Pāngarau: He Aratohu mā te Pouako**. Ko ngā kōrero me ētahi tauira ngohe e hāngai ana ki ngā Whanaketanga Pāngarau.
- **Hei Tautoko i te Marautanga Pāngarau: Te Ine**. Ko ngā huatau matua mō tēnei mea te ine.

Ngā tohutohu

Whakaaturia te kāri, ākene pea me pānui tahi me te ākonga, **kia mārama ai ngā kōrero**.

Hoatu he wā hei whakaoti mā te ākonga i ngā pātai.

Tonoa te ākonga kia whakamārama i āna mahi. Whakaahuangia ‘Te Whārangī Aromatawai mā te Pouako’, hei tuhi māu i āna whakamārama, me ō whakaaro, ō whakataunga aromatawai.

Āta tirohia ngā kōrero kei te whārangī ‘Hei Ārahi i te Aromatawai’ hei īwhina i a koe ki te whakatau i te taumata e hāngai ana ki ngā otinga a te ākonga. Kei tēnei whārangī te ngako o te pāngarau e hāngai ana ki tēnei ngohe, me ngā tauira whakamārama a ngā ākonga.

Me mātua mōhio te ākonga

- ki te whakamahi waeine aro kē hei ine i te roa o tētahi mea
- ki te whakatau tata i te roa o tētahi rārangi kōpiko
- ki te tikanga, mēnā he iti te waeine, he rahi kē atu te inenga, engari ka pūmau tonu te rahi o te mea e inea ana.

Ngā kupu pāngarau e hāngai ana

ine, iti ake, kōpiko, nui ake, ōrite, raupapa, roa, whakatau tata

Ngā kupu e hāngai ana ki te horopaki

pepa nui, tuna

Ngā rauemi

- te kāri ngohe
- he rākau Ātaarangi
- he pepa nui
- he aho

Ētahi ngohe whakaako e hāngai ana

Hei Tautoko i te Marautanga Pāngarau: Te Ine

He Ngohe Whakaako i te Ine:

- Te Aho hei Whakatairite i te Roa (wh.40)
- Te Whakamahi Waeine Aro Kē (wh.41)
- Inea te Roa Ake (wh.43)
- Whakatairitea te Roa (wh.46)

He Tūhuratanga Ine:

- Te Matikara (wh.151)
- Te Horahanga Rau Rākau (wh.152)

He tauira pātai hei kukume whakaaro

- Whakamāramahia ngā mahi i oti i a koe i tō hinengaro. He aha tō mahi tuatahi? He aha tō mahi tuaruā?
- E mōhio ana koe ki tētahi atu rautaki e hāngai ana ki tēnā pātai?
- Whakamāramatia mai tō whakamahinga o te rākau karaka hei ine i te roa o te tuna.
- Ki tōu whakaaro, he māmā ake te ine i te roa mēnā e takoto torotika ana te tuna? He aha ai?
- E hia pea ngā rākau karaka e ōrite ana ki te haurua o te tuna, koirā pea hei āwhina i a koe ki te whakatau tata.
- Me pēhea e māmā ake ai te ine i tētahi mea kōpiko?

Hei Ārahi i te Aromatawai

Te Tuna Kōpiko: Taumata 1-2

| Te pātai | He tauira whakatautau a te ākonga me te taumata whanaketanga e tohuā ana |
|---|---|
| 1. Māu e tuhi pikitia o tētahi tuna e takoto kōpiko ana ki te pepa nui. | Ka mārama ki te kupu kōpiko. 1e→ |
| 2. Ki tō titiro, e hia ngā rākau karaka e ūrite ana ki te roa o tō tuna? He aha tō whakatau tata? He aha i pēnā ai ō whakararo? | Ka mārama ki te kupu whakatau tata. 2a→ Ka wāwhāia te tuna ki etahi hautanga hei āwhina ki te whakatau tata i te maha o ngā rākau karaka e ūrite ana. 2a→ |
| 3. Whakamahia te rākau karaka hei ine i te roa o tō tuna. | Ka tika te whakamahi i te rākau karaka hei ine i te roa o te tuna, arā: <ul style="list-style-type: none">• ka firmataq, ka mutu hoki i ngā wāhi e tika ana 1e→• ka tāruaruaia te waeine, kāore he āputa, kāore e inaki rānei 1e→• ka āta whakatakoto i te rākau i te rāngi kōpiko o te tuna 2a→• ka tatau i te maha o ngā waeine tauoli 1e→• ka tatau i te maha o ngā waeine tauoti me te whai wāhi anō o ngā hautanga waeine māmā, pērā i te haurua 1e→ |
| 4. Pēhea nei te tika o tō whakatau tata? | Ka arotake i te whaitakenga o te whakatau tata. 2e→ Hei tauira: <ul style="list-style-type: none">• I āta whakaaro hia te maha o ngā waeine kei roto i te haurua, i te hauhā rānei o te tuna.• He uaua te whakatau tata nā te kōpiko o te tuna me te torotika o te rākau karaka. |
| 5. Mēnā ka whakamahia te rākau kahurangi hei ine i tō tuna, ka nui ake, ka ūrite, ka iti ake rānei te inengā? He aha aī? | Ka mōhio ki te tikanga, mēnā he iti ake te waeine, he rahi kē ake te inenga. 1e→ Ka mōhio ki te pūmautanga o te roa o te tuna, ahakoa te waeine e whakamahia ana. 1e→ Nō reira, he roa ake, he iti ake, he pūmau tonu rānei te roa o te tuna? |
| 6. Kā inea e Hinetai rāua ko Mihī ā rāua tuna. Koia nei ā rāua inenga: Hinetai: E 7 rākau karaka te roa o tana tuna. Mihī: 13 rākau kōwhai te roa o tana tuna. Ko tēheā te tuna roa ake? | Ka mōhio ki te haurau o tētahi waeine tētahi. 1e→ Ka whakatakotoria ngā rākau karaka e 7 ki te taha o ngā rākau kōwhai 14 hei whakatairite i ngā roa. 1e→ Ka whakamahia te tau reaura me te whakaaro pānga riterite māmā hei whakatairite i ngā roa. 2a→ Hei tauira: E 2 ngā rākau kōwhai e ūrite ana ki ia rākau karaka. Nō reira, 14 ngā rākau kōwhai e ūrite ana ki ngā rākau karaka e 7. Nō reira, he roa ake te tuna a Hinetai. |
| 7. Titiro ki ngā pikitia a Terewai kei runga nei. Raupapahia ngā tuna mai i te poto ki te roa. | Ka whāia tētahi rautaki kia mōhiotia ai he ūrite te tawhiti torotika mai i te hiku ki te upoko o ia tuna. 2a→ Ka mōhio ki te tikanga, he poto ake te rārangī torotika i te rārangī kōpiko, ahakoa he ūrite te wāhi mutu o te rārangī. 2a→ |

Te Whārangi Aromatawai mā te Pouako

Te Tuna Kōpiko: Taumata 1 - 2

| Te pātai | Ngā aromatawai a te pouako |
|---|----------------------------|
| 1. Māu e tuhi pikitia o tētahi tuna e takoto kōpiko ana ki te pepa nui. | |
| 2. Ki tō titiro, e hia ngā rākau karaka e ūrite ana ki te roa o tō tuna? He aha tō whakatau tata? He aha i pēnā ai ū whakaaro? | |
| 3. Whakamahia te rākau karaka hei ine i te roa o tō tuna. | |
| 4. Pēhea nei te tika o tō whakatau tata? He aha i pātata ai, he aha rānei i kore ai e pātata tō whakatau tata? | |
| 5. Mēnā ka whakamahia te rākau kahurangi hei ine i tō tuna, ka nui ake, ka ūrite, ka iti ake rānei te inenga? He aha ai? Nō reira, he roa ake, he iti ake, he pūmau tonu rānei te roa o te tuna? | |
| 6. Ka inea e Hinetai rāua ko Mihi ā rāua tuna. Koia nei ā rāua inenga: Hinetai: E 7 rākau karaka te roa o tana tuna. Mihi: 13 rākau kōwhai te roa o tana tuna. Ko tēhea te tuna roa ake? | |
| 7. Titiro ki ngā pikitia a Terewai kei runga nei. Raupapahia ngā tuna mai i te poto ki te roa. | |